

সকল দৃশ্যে সকল বিশ্বে

আনন্দ-নিকেতন ।

জয় জয় আনন্দময় ॥

আনন্দ চিন্ত-মারে,

আনন্দ সর্বকাজে,

আনন্দ সর্বকালে,

দুঃখে বিপদজালে,

আনন্দ সর্বলোকে,

মৃত্যু বিরহে শোকে,

জয় জয় আনন্দময় ॥

—

বল দাও মোরে বল দাও,

প্রাণে দাও মোর শক্তি

সকল হৃদয় লুটায়

তোমারে করিতে প্রণতি ॥

সরল স্তপথে ভ্রমিতে,

সব অপকার ক্ষমিতে,

সকল গর্ব দমিতে,

খর্ব্ব করিতে কুমতি ॥

গান

হৃদয়ে তোমারে বুঝিতে,
জীবনে তোমারে পূজিতে,
তোমার মাঝারে খুঁজিতে
চিন্তের চিরবসতি ॥

তব কাজ শিরে বহিতে,
সংসার-তাপ সহিতে,
ভব-কোলাহলে রহিতে,

নীরবে করিতে ভকতি ॥
তোমার বিশ্বছবিতে
তব প্রেমরূপ লভিতে,
গ্রহ তারা শশী রবিতে
হেরিতে তোমার আরতি

বচন মনের অর্থাতে,
ডুবিতে তোমার জ্যোতিতে
স্বখে দুখে লাভে ক্ষতিতে
শুনিতে তোমার ভারতী

শান্ত হ'রে মম চিত্ত নিরাকুল,
শান্ত হ'রে ওরে দীন ।
হের চিদম্বরে মঙ্গলে সুন্দরে
সর্ব চরাচর লীন ।

শুনের নিখিল-হৃদয়-নিশ্চিন্দিত
শূন্যতলে উথলে জয়সঙ্গীত,
হের বিশ্ব চির-প্রাণ-তরঙ্গিত,
নন্দিত নিত্য নবীন ।

নাহি বিনাশ বিকার বিশোচন,
নাহি দুঃখ সুখ তাপ ;
নিশ্চল নিঙ্গল নির্ভয় অক্ষয়,
নাহি জরাজ্বর পাপ ।
চির আনন্দ, বিরাম চিরন্তন,
প্রেম নিরন্তর, জ্যোতি নিরঞ্জন,
শান্তি নিরাময়, কান্তি সুনন্দন,
সান্ত্বন অন্তবিহীন ॥

যে কেহ মোরে দিয়েচ সুখ
দিয়েচ তাঁরি পরিচয়,
সবারে আমি নমি
যে কেহ মোরে দিয়েচ দুখ
দিয়েচ তাঁরি পরিচয়,
সবারে আমি নমি